

Babes publikoko 166 etxebizitza adjudikatzeko epea zabalik Gasteizen

L.K.G. / GASTEIZ



Promozio publikoaren barne, babes ofizialeko 166 etxebizitzarako adjudikazio epea ireki du Eusko Jaurlaritzak, atzo Hirigintza eta Etxebizitza Sailak aditzera eman zuenez. Gasteizko Ariznabarra eta Lakua auzoetan kokaturik izango dira etxebizitza horiek.

Prezioak 2,7 milioi pezetatik zazpi milioi pezetara (350.000 libera) doaz eta ordainketak hogeitabost urtealditan egin beharko dituzte, urteko % 5eko interesarekin.

Etxebizitzaren jabetasuna Gasteizko Udalari itzuliko zaio, Administrazioaren aldeko zorubeen eskubi-

dea eratu eta hirurogeitamabost urte igaro ondoren. Etxebizitza guztietako sei prozedura orokorretik atera du Jose Antonio Maturana sailburuak Eusko Jaurlaritzaren agindu baten arabera, «gera zibilean hemendik alde egin behar izan zuten pertsonak itzuli ahal izateko eta gaur egun jasotzen dituzten baliabide ekonomiko urriek eraginda bueltatu ezinik ari den jendea».

Gainera, elbarrituentzako lau eta familia txikientzako hogeitalau etxebizitza eskainiko ditu Eusko Jaurlaritzako Sailak.

Agindua aste honetan argitaratuko dute, eta egun horretatik aurrera, eskaerak aurkezteko hamabost eguneko epea izango da.



UEUren Donostiako VII ihardunaldiak

Jokin Apalategi

«Kolektibo naturalen erreferentzia gora joango da akta bakarrarekin»

‘Herritar-Hiritar binomioa akta bakarreko European’ izeneko gaia izan zen atzoko hitzaldiaren ardatza. Jokin Apalategi soziologoak European eraikitzen ari den egitura eredu berria aztertu zuen Donostian.

J.M. PASTOR

EGUNKARIA.— Hiritartasunaz mintzatu zara hitzaldian. Non eta nola sortu zen kontzeptu hau?

JOKIN APALATEGI.— Ideia Grezia zaharretik dator. Grekoek oso ideia garbiak zituzten horri buruz eta gaur egun beraieen arrazoibideei jarraitzen diegu oraindik. Hiritar izateak zera esan nahi zuen: eskubide kolektibo batzuk badaudela eta eskubide horien subjektua hiria dela, hiria lehengoko esanahi horretan, hau da, errepublika, estatua. Beraz gaur hiritar esateak esan nahi du norbaiten eskubide horiek erreferentzia batek mugatzen dituela eta erreferentzia hori bera bizi deneko estatua da. Hiritartasunaren kontzeptu modernoa ordutik dator eta Iraultza Frantsesaren ondorioz heldu da. Frantziak hiritartasun karta eman zuen, zure eskubide karta dena. Karta hori emateko nazionalitatea aipatu zen muga bezala, baina nazionalitatea kasu honetan ez dator naziotik, estatutik baizik, nazionalitatea hiritartasunari lotzen diote. Horrek esan nahi du nik Frantziaren eskubideak baldin baditut, Frantziatik ateratzean nere kartak ez dituela eskubide horiek bilatzen beste inon. Nere hiritartasuna mugatua dago eta beste nazionalitate bateko herrian klausula berezi batean sartzen naiz atzerritar bezala. Nere sorrerako estatuaren karta baliorik gabe geratzen da eta hartu nauen horrek baldintza bereziak jarriko dizkit. Horrekin funtzionatzen ari gara berrehun urte honetan ia estatu nazio guztietan.

EGUNKARIA.— Europa batuan akta bakarra jarri nahi dute. Horrek arazoak sortuko ditu orain indarrean dagoen nazionalitate kontzeptuarekin.

APALATEGI.— Bai. Akta komun bat egiten ari da, eskubide batzuk emango dituen. Kontua zera da: nori, zein kolektibori emango dizkio eskubide horiek? Bistan da: akta sinatzen duten estatuetak hiritarrei. Baina hiritar hauek beraieen estatuak eman dien nazionalitatea daukate. Akta bakar eta komun hori egiten denean, non geldituko da estatuaren beste nazionalitatea? Hemen dago problema, zein estatuk aldi berean bere nazionalitatea gorde nahi du. Arazo gordina da hau, estatuaren eskubide karta eta Europarene elkarren kontrako borrokan egongo direlako.

EGUNKARIA.— Zer gertatuko da orduan Euskal Herria bezalako estatu edo hiritartasunik gabeko nazioekin?



C. VILLAGRAN



C. VILLAGRAN

APALATEGI.— Karta bakarra jarri gero, eta estatuak ipintzen ari diren trabak muga gainditzera joaten bada, herrien erreferentzia gora joango da. Kolektiboak, herriak, existitzen dira, soziologikoki hor daude, eta horien izaera birplanteatu egingo da. Estatuak ez du beste kolektiborik onartzen, estatua bait da kolektibo bakarra baina estatuaren kolektiboa desegiten bada bestela gertatuko da. Kolektibo natural horiek jokoan sartuko dira. Hemen gatazka handia dago, gu bezalako herrientzat aterabide kurioa dago. Ez dut esan nahi emana dagoenik, estatuaren eragozpena bait dago. Batetik, Europa egin nahi dute politikoki, baina honen ondorioak aztertzen hasten direnean entitate politikoa deuseztatu egin behar dela ohartzen dira.

SOSLAIA

Soziologiaren apal zabalean

Berrogeitazortzi urte ditu Apalategik. Bizitza erdia—24 urte—Hegoaldean eman du ataundar honek eta beste erdia Ipar Euskal Herrian. Soziologian doktorea, irakasle titularra dugu Zorroagako fakultatean. Joseba Jakarekin batera Zabal liburudenda sortu zuen Baionan eta bertan geratu zen. «Bera haruntza joan zen, eta nik egin genuen ekipoarekin jarraitzen dut egunero laguntza ematen eta denbora dudanean hemen aparkatzen».




**JESUS MARI
ANDONEGI
EIZAGIRRE
"POLIO"**

**AITTA-AITTONA
EZ ADIORIK.
BETIRARTE!!!**

Zure familiak

Elizkizunak Eliz parrokian izango dira arratsaldeko 7etan.

Mutriku, 1991ko azaroaren 22an



**JABI
ONANDIA
ALBERDI**

**Eskola Kontseiluko eta Guraso
Taldekide izana**

*Sáminak ere agian badu
zenbateko ta neurria;
halere hitzez ezin azaldu
zoritxarraren gorria.
Ez da ez arin osatzekoa
egin diguzun zauria.
Onenak aurrez joan beharra:
lege gorrotagarria!*

DURANAKO IKASBIDEA IKASTOLAKO
IKASLE, IRAKASLE, LANGLEI ETA GURASOAK



**JABI
ONANDIA
ALBERDI**

*Ez nau izutzen negu hurbilak
Uda betezko beroan
Dakidalako irauten duela
Orainak ere geroan*

ADURTZA IKASTOLA



TXALAPARTA
Gure liburuak

78 Postakutxa
TAFALLA (Nafarroa) Tel. (948- 70 32 77)